


Онлайн-курс «Литургика»

"ИЗБРАННЫЕ ТЕКСТЫ БОГОСЛУЖЕНИЙ СТРАСТНОЙ СЕДМИЦЫ"

из Постной Триоди.

Великие Понедельник, Вторник и Среда.



Понедельник, седален на утрне, глас 8:

Страстэй Господних начатки, настоящий день светлоносит.
Приидите ўбо, празднолюбцы, усрящим пёсньми: Создатель
бо грядёт Крест прияти, испытаня и раны, Пилатом судим.
Тёмже и от раба ударен быв по главе, вся терпит, да спасёт
человека. Сего ради возопиим Ему: Человеколюбче, Христё
Бже, прегрешений даруй оставление поклоняющимся
верою пречистым страстём Твоим.

Понедельник, Вторник и Среда, на утрне, тропарь, глас 8:

Се, Жених грядёт в полунощи,/ и блажен раб, егоже обрящет бдяща,/ недостоин же
паки, егоже обрящет унывающа./ Блуди ўбо, душе моя,/ не сном отяготися,/ да не
смерти предана будеши/ и Царствия вне затворишися,/ но воспряни зовущи:/ Свят,
Свят, Свят еси, Бже, // Богородицею помилуй нас.

Понедельник, Вторник, Среда и Четверг, на утрне, эксапостиларий, глас 8:

Чертог Твой вижду, Спасе мой, украшенный, и одежды не имам, да вниду в оны:
просвети одеяние души моея, Светодавче, и спаси мя.

Вторник, кондак, глас 2:

Час, душе, конца помысливши и посечения смоковницы убоявшись, данный тебе
талант трудолюбно делай, окаянная, бодрствующи и зовущи: да не пребудем вне
чертога Христова.

Среда, седален на утрне, глас 3:

Блудница приступи к Тебе, миро со слезами, изливающи на нозе Твои,
Човеколюбче, и смрада зол избавляется повелением Твоим: дыша же благодать

Твою ученик неблагодарный, сию отлагает и срадом одевается, сребролюбием продая Тебе: слава, Христе, благоутробию Твоему.


Среда, кондак, глас 4:

Паче блудницы, Блаже, беззаконновав, слез тучи никакоже Тебе принесох; но молчанием моляся припадаю Ти, любовью облобызая пречистей Твоей ноге: яко да оставление мне яко Владыка подаси долгов, зовущу Ти, Спасе: от скверных дел моих избави мя.

Среда, стихира на хвалитех, на утрени, глас 1:

Егда грешная приношаше миро, тогда ученик соглашашеся пребеззаконным. Овая убо радовашеся, истощаючи миро многоценное: сей же тщашеся продати безценного. Сия Владыку познаваше, а сей от Владыки разлучашеся. Сия свобождашеша, а Иуда раб бываше врагу. Люто есть леньность, велие покаяние: еже мне даруй, Спасе, пострадавый о нас, и спаси нас.

Великий Четверг.



Тропарь, глас 8:

Егда славнии ученицы/ на умовении вечери просвещахуся,/ тогда Иуда злочестивый/ сребролюбием недуговав омрачашеся,/ и беззаконным судиям Тебе, Праведнаго Судию, предаёт./ Виждь, имений рачителю,/ сих ради удавление употребивша!/ Бежи, несытыя души,/ Учителю такова я дерзнувшия;// Иже о всех Благий, Господи, слава Тебе.

Кондак, глас 2:

Хлеб прием в руке предатель, сокровенно тыя простирает, и приемлет цену Создавшего Своима руками человека: и неисправлен пребысть Иуда раб и льстец.

Икос: Тайной трапезе, в страхе приближившеся вси, чистыми душами хлеб приемем спребывающе Владыце, да видим, како умывает ноги учеников, и сотворим, якоже

вѣдим, друг дрѹгу покаряющеся и друг другу нѳзе умывающе. Христѳс бо тако повелѣ Своимъ ученикомъ предрѣк, тако творити: но не услыша Иудѳа раб и льстецъ.

Стихиры на стихѳвне, Слѳва: глас 8:

Нрав твой лъсти исполняется, беззакѳнный Иудѳо: недѹгя бо сребролюбиемъ, приобрѣл еси челоноконенавидѣние. Аще бо богѳтство любил еси, почто ко Учѳщему о нищете пришел еси? Аще же и любил еси, вскѹю продал еси Безценнаго, предав на убиѣние? Ужаснѳся, солнце, возстенѳ, землѣ, и движащися возопѳй: незлѳбиве Господи, слава Тебѣ.

И ныне: Глас 5:

Тайновѳдствуя Твоя, Господи, ученики, учил еси глаголя: о друзи, зрите, да никѳйже страх вас разлучит от Мене! Аще бо и стражду, но за мир. Не блазнѳтеся ѹбо о Мне: не приидѳх бо, да послѹжат Ми, но послужити, и положити дѹшу Мою избавлѣние за мир. Аще ѹбо вы друзи Мои естѣ, Мене подражайте: хотѳй пѣрвый бѳти, да бѹдет послѣдний. Владѳика, яко служитель. Пребѹдите во Мне, да гроздь принесетѣ: аз бо есмь Лозѳ живѳтняя.

Тропарь, вместо Херувимской песни, глас 6:

Вѣчери Твоея тайныя днесь, Сыне Бѳжий, причѳстника мя прими; не бо врагомъ Твоимъ тайну повѣм, ни лобзѳния Ти дам, яко Иудѳа, но яко разбѳйник исповѣдаю Тя: помяни мя, Господи, во Цѳрствии Твоѣмъ.

Великая Пятница.

Антифѳн 1, тропарь 3-й, глас 8:

Чѹвствия наша чѳста Христѳови представим, и яко друзи Егѳ, дѹшы наша пожремъ Егѳ ради, и не попечѣньми житѣйскими соугнетѳемся яко Иудѳа, но в клѣтехъ нашихъ возопѳим: Отче наш, Иже на Небесѣхъ, от лукаваго избѳви нас.

Антифѳн 3, тропарь 6-й, глас 2:

Бдите и молѳтеся, да не внѳдете в напасть, ученикомъ Твоимъ, Христе Бѳже наш, глаголал еси: беззакѳнный же Иудѳа не восхотѣ разумѣти.

Антифён 5, тропарь 2-й, глас 6:

Днесь глаголаше Зиждитель небесé и земли Своим учеником: приближися час, и приспé Иўда предай Менé, да никтоже отвéржется Менé, видя Мя на Крестé посреде двою разбóйнику: стражду бо яко человек, и спасу́ яко Человеколюбец, в Мя вéрующыя.

Антифён 6, тропари 2-й и 3-й, глас 7:

Днесь Кресту́ пригвозди́ша иудее Го́спода, пресéкшаго мо́ре жезло́м, и проведшаго их в пустыню. Днесь копиём рёбра Егó прободо́ша, язвами рáнившего их ра́ди Егíпта: и жёлчию напои́ша, манну пи́щу им одождившаго.

Господи, на страсть вольную прише́д, вопия́л еси́ учеником Твоим: áще и еди́наго часа́ не возмогóсте бдéти со Мнóю, како обеща́стеся умрéти Менé ра́ди? Понé Иуду зрите, како не спит, но тщи́тся предáти Мя беззакóнным. Воста́ните, моли́теся, да не кто Менé отвéржется, зря Менé на Крестé. Долготерпели́ве, сла́ва Тебе́.

Седáлен, глас 7:

Кий ты о́браз, Иўдо, предáтеля Спа́су соде́ла? Еда́ от ли́ка ты апо́стольска разлучи́? Еда́ дарова́ния исцелéний лиши́? Еда́ со о́ними вечера́в, – тебе́ от трапéзы отрину́? Еда́ иных ноги умыв, – твой же презре́? о коли́ких благ непа́мятлив был еси́! И твой у́бо неблагодарный обличáется нрав. Того́ же безме́рное проповéдуется долготерпéние и вéлия ми́лость.

Антифён 7, тропарь 2-й, глас 8:

Три́щи отвéргся Петр, áбие речéнное ему́ разумé, но принесé к Тебе́ слéзы покая́ния: Бо́же, очисти́ мя и спаси́ мя.

Антифён 8, тропарь 1-й, глас 2:

Рцы́те, беззакóннии, что́ слы́шасте от Спа́са на́шего? Не за́кон ли положи́, и проро́ческая учéния? како́ у́бо помы́слисте Пилáту предáти, И́же от Бо́га Сло́ва, и Изба́вителя душ на́ших.

Антифóн 11, тропарь 3-й, глас 6:

Нижé землѣ яко потрясѣся, нижé камение яко разсѣдѣся, евреев увещáша: нижé церковная завѣса, нижé мѣртвых воскресѣние. Но даждь им, Гóсподи, по делóм их, яко тщѣтным на Тя поучишася.

Антифóн 12, тропари 1-й и 2-й, глас 8:

Сия глаголет Гóсподь иудеом: людие Мой, что сотвори́х вам? Или́ чим вам стужихъ? Слепцы́ ва́ша просветихъ, прокаженныя очисти́х, мѹжа сѹща на одрѣ возста́вих. Людие Мой, что сотвори́х вам? И что́ Ми возда́сте? За ма́нну, желчь: за во́ду, о́цет: за е́же любѣти Мя, ко Кресту́ Мя пригвозди́сте. Ктому́ не терплю́ прóчее, призову́ Моя́ язѹки, и тѣи Мя просла́вят со Отце́м и Ду́хом, и Аз им да́рую Живóт Вѣчный.

Днесь церковная завѣса, на обличѣние беззакóнных раздира́ется, и со́лнце лучи́ своя скрывает Владѣ́ку зря распина́ема.

Антифóн 14, тропарь 2-й, глас 8:

Мал глас испусти́ разбо́йник на крестѣ, ве́лику ве́ру обрѣте, во еди́ном мгновѣнии спасѣся, и пѣрвый ра́йская врата́ отвѣрзъ вни́де: и́же тогó пока́яние восприѣмый, Гóсподи, сла́ва Тебѣ.

Антифóн 15, тропарь 1-й, глас 6:

Днесь ви́сит на дрѣве, И́же на вода́х зѣмлю повѣсивый: венце́м от те́рния облага́ется, И́же А́нгелов Царь: в ло́жную багряницу облача́ется, одева́яй не́бо о́блаки: зауше́ние при́ят, и́же во Иорда́не свободи́вый Адама: гвоздьми́ пригвозди́ся Жени́х Церко́вный: копи́ем прободѣся Сын Де́вы. Покланя́емся страсте́м Твои́м, Христѣ́. Покланя́емся страсте́м Твои́м, Христѣ́. Покланя́емся страсте́м Твои́м, Христѣ́: покажи́ нам и сла́вное Твоѣ́ Воскресѣ́ние.

Седáлен, глас 4:

Искупи́л ны еси́ от кля́твы за́конныя Честно́ю Твоѣ́ю Кро́вию, на Крестѣ́ пригвозди́вся, и копи́ем прободѣся, безсме́ртие источи́л еси́ челове́ком, Спа́се наш, сла́ва Тебѣ́.

Великая Суббота.

Тропари на утрене, глас 2:

Благообразный Иосиф, с дрéва снем Пречíстое Тéло Твое, Плащаницею чíстою обвив, и воня́ми во гробе но́ве покрыв положи́.

Сла́ва Отцу́, и Сы́ну, и Свято́му Ду́ху:

Егда́ снизше́л еси́ к сме́рти, Животе́ Безсме́ртный, тогда́ ад умертвил еси́ блиста́нием Бо́жества. Егда́ же и умёршыя от преиспо́дных воскресил еси́, вся Сíлы Небе́сныя зыва́ху: Жизнода́вче Христé Бо́же наш, сла́ва Тебе́.

И ны́не и прíсно, и во ве́ки веко́в. Ами́нь:

Миронóсицам же́нам, при грóбе предста́в А́нгел вопи́аше: ми́ра ме́ртвым суть при́лична, Христóс же ислéния яви́ся чуждь.

Стихи́ра на вече́рне, глас 8:

Днесь ад стéня вопи́ет: у́не мне бя́ше, а́ще бых от Мари́и Ро́ждшагося не при́ял: прише́д бо на мя держа́ву мою́ разруши́, врата́ ме́дная сокруши́: ду́шы, яже содержа́х пре́жде, Бог сый воскреси́. Сла́ва, Го́споди, Кресту́ Твоему́ и Воскресéнию Твоему́.

На Литургии, тропарь, вместо Херувимской песни, глас 8:

Да молчи́т вся́кая плоть челове́ча, и да стои́т со стра́хом и трéпетом, и ничто́же земно́е в себе́ да помышля́ет: Царь бо Ца́рствующих и Госпо́дь госпо́дствующих приходи́т заклáтися и да́тися в снeдь ве́рным. Предхо́дят же сему́ ли́цы А́нгельстии со вся́ким Нача́лом и Вла́стию, многооч́итии Херувíми и шестокры́латии Серафíми, ли́ца закрыва́юще и вопи́юще песнь: Аллилу́иа, Аллилу́иа, Аллилу́иа.

Дополнение из Цветной Триоди - **Кондак Пасхи, глас 8:**

Во гробе плóтски, во аде́ же с душéю яко Бог, в рай же с разбойником, и на Престоле был еси, Христе, со Отцем и Духом, вся исполня́яй, неопíсанный.

Подготовил диакон Андрей Молочкин.